

Ленинә бичг

(Поэмәс)

— Минь тана нутгн
Миньгън ърк бәәнә.
Боогад—ганц бийднъ
Букл Буурл заргдна.
Угатыр, ялч улс
Оларн цуг ниицхмн.
Боогатн юмн биш,
Болзг ъгч болхмн.
Ўзтхә, медтхә гигәд
Ўлгүр ўзүллж келджәнәв,
Ухан-седклән орулдж
Оларн кўүндхиг сурджанав...
—Боога зергин ъмнәс
Босна гисн юмб?
Болшго ўг келнәт,
Бидн тўүнлә чалхмб?
Мана харнъгъуд нәәләд,
Манд тууль келджәнәт.
Наад бәрхәр седәд,
Насна ърд кўрчәнәт.—
Тиигдж Дорлж келәд,
Тиирчәд уурлад босв,
Ирсн залу тогтун
Иигдж хәрү ъгв:
— Арәсәд революц болсинъ
Алл уга медтн.
Ленин баатр бәәдгинъ
Лавта ухандан тоолтн.
— Ленин баатр бәәдгинъ
Лавта юмн, итктн!—
Орн талас тиигдж
Арә дун гарв.
Ормагъад цугтан одцхав,
Орн тал хәләцхәв,
Кѡрстә девл дорас
Кѡндрәд Бадм әкрмдв.
— Бадм багш сергвт?—
Баснъ ѡсрәд босв,
— Сергв, хәәмнъ, сергв.
Седклән бичә зов.
Тана кўүндсн ўгитн
Тагчгар сонъсад кевтләв.

Ўниг худл гихлә,—
Ухагъан бәрдж ядвв!..
Хучагъан авч хайад,
Хурдар босхар седв,
Чидлнъ кўрч ядад,
Чавас, хәрү кевтв.
Залус ўкс босллад,
Залуг ѡргәд авцхав,
Гулмтин кѡвәд суулгъад
Гал нүдәр хәләв.
—Хәәмнъ, Бадмвч?—гидж
Хәрин залу сурв.
—Хаалгъ, хамагъасвч?—гив
Хәрүднъ Бадм келв.
Эн хойр залус
Экн хальмг коммунистнр,
Нутга хотн деер
Нуувчин кўр кев...
— Ганцхн Арәсә биш
Газр цуг догдлджана.
Алдр мана Ленин
Автоном Хальмгт ѡгчәнә...
Хаалгъ тиигдж келәд,
Хәрү хандсн болв,
Госан ўкс тәәләд,
Гаргъад цуглагъан авб.
„Хальмг ахнр-дўўнр“—
Хәәртә Ленинә бичг,
Тер цугладнъ барлата,
Тўўмр-гал—падрна.
Чидл уга Бадм
Чикрәд ѡндәгъәд суув,
Чичрсн гарарн бәрдж
Чеедждән оруллж умшв.
Теегт тенсн хальмгиг
Тодлад Ленин ўздж,
„Ахнр—дўўнр“ гидж
Алдр багш келдж.
Энъкр ахас давугъар
Ўзсн зовлнъ меддж,
Даджрлгън, мухлагъас
гархиг

Дасхдж, заадж ѡгч.
Арәсән кѡдлмшч крестъ-
янсиг
Аллго дахтн гидж.
Бичкн дунъ болдж
Бийән ўзүлхиг дурддж.
Ленинә бичсн ўгмүд
Лукшдж зўркнд хадгдна.
Кех-кўцәх хамгуд
Кўн болгънд товчлгдна.
Герт суусн залуст
Герл ордж сергв.
Хальмг теегм догдлад,
Хәәкрәд боссн болв.
Кѡгши эеджин бийнъ
Кўўкн цаган санв,
Хурнәстә манъгнанъ тинидж,
Хумхарсн чирәнъ улав.
Тууль биш, тууджинъ
Тер залус медцхәв,
Ленинә гаргъсн йосиг
Лавлдж ухандан авцхав.
Теегин агъугъар эргәд
Тарад зәнъг гуўв,
Хотнас-хот келәд
Хар гермүдт ирв.
Ленинә бичг Бадмд
Лавта эм болв.
Шавнъ тўргәр эдгәд,
Чидлнъ улмар орв.
Бадм, Хаалгъ хойр
Бичкн отряд цуглулв,
Баснъ, Дордж, Дамб
Бас тўўнд мордв.
Долдалсн цагъан пасншнъ
Дорас отряд деедлв.
Хотн-хотнас нкдәд
Хортна дарнъх болв.

НАРМИН МОРХАДЖ.